

matrona quædam erat nobilis, quæ aut quia mulierum genus semper avarum legitur, aut certe diabolico instinctu, terram sancte martyris agris suis vicinam immoderate concupivit, arantisque monachorum bubulos plurimis affectos contumeliosi a jugeribus expulit. Sequenti vero die proprio vobis ea jugera secare fecit, suæque ditioni ea subjugare presumpxit. Atque ita cœlesti virtute actum est ut, dum illa a suis terminis agrum illum denormare juberet, acriterque insisteret, actum totum corpore

A emarcuit, ac horrificis stridoribus garris infidem spiritum orco dimisit. Cujus terribili exitu aratores valde exterriti, relicto aratro fugerunt, ac in summo habitu vix palpantes domino suo rem actam retulerunt. At ille mœrens de mulieris intentu, pro cadavere misit, allatumque letere condidit. Quia tali modo extincta, terra sanctæ martyris tuta ab omnibus remansit, et in monachorum postea ditione jacuit.

ANNO DOMINI MXXIX.

# SANCTUS FULBERTUS

CARNOTENSIS EPISCOPUS.

## NOTITIA HISTORICA ET LITTERARIA.

(Oudin., *Script. Eccles.* II, 519.)

S. Fulbertus Carnotensis episcopus, vitæ sanctimonia et eruditione sua ætate clarissimus, Guillelmus Aquitanici ducis favore, primum Pictaviensis Ecclesiæ S. Hilarii thesaurarius factus, ut fragmentum Historie Aquitanicae refert. Idemque leges apud Ademarum Cabanensem in Chronico. Insignis vita et eruditione, lucernaque ardens a Domino Ecclesiæ Gallicanæ candelabro accensus, Roberti regis Christianissimi, cui gratissimus erat, auctoritate, Carnotensis episcopus post Rodolfum creatus est, a Lietherico archiepiscopo et metropolitano consecratus, quemadmodum ipse Fulbertus affirmat epistola 23, ad eundem : « Multum amoris atque fidelitatis, tibi, Pater, me debere censco, per cuius manum benedictionem et sacra[m] unctionem accepi. » Is autem, episcopalem gradum assecutus, libertates ecclesiasticas egregie tutatus est, ut passim variis epistolis significat, quas ad pontifices maximos, reges et episcopos scripsit, quarum nonnullæ exstant ad Franconem Parisiensem præsulem, *De extirpandis e manu laica beneficiis*. Et apud Joannem pontificem Maximum graviter conqueritur de Rodulfo comite, iurium Ecclesiæ suæ pervasore sacrilego, auxilium apostolicum implorans : *Magnæ, inquit, Fulber us et præclaræ Ecclesiæ pusillus episcopus.* Episcopatum, ut diximus, favore Roberti regis, cuius partes contra Constantiam reginam gnavoriter sectatus est, adeptum fuisse appareat ex epistola ad eundem, qua de Godfridi vicecomitis violentia adversus Carnotensem Ecclesiam sic conquestus est : « Pietatem vestram

Deum, in his quæ ingeruntur molestiis, consolatio et respiratio funditus pendet. » Suam vero humilitatem astruit his verbis, epistola 68 ad Odilonem abbatem Cluniacensem : « Decet, pater, ut tu quoque vicissim me tuum servulum de te pendentem, teque non sine magna fiducia respectantem, sacris intercessionibus adjuves. Sum enim valide misericordis homo, qui cum ad propriam non sufficerem, ad publicam curam nescio qua seu ratione seu temeritate perductus sum. » Quanta vero amicitia inter ipsum et Odilonem prædictum fuerit, docet monachus Sylviniaci hæc sribens in Vita Odilonis : « Hoc nomine (*Archangeli monachorum*) censebat eum appellandum in suis sermonibus et epistolis. Fulbertus ille sibi præcordialis amicus, Carnotensis episcopus, in sanctitate laudabilis, in sapientia mirabilis, in cuius morte studium philosophiae in Francia periit, et gloria sacerdotum pene decidit. » Quod autem nonnulli eum Roberti regis suis cancellarium scribunt, probationis id documento destituitur, cum revera potius cancellarius tantum Carnotensis Ecclesiæ fuerit. Porro cum anno 1020 urbs et basilica conflagrassent, fundamenta ecclesiæ Dei Genitricis Fulbertus jecit, camdemque miro lapideo fornice et tabulatu perfecit; quo quidem insigni opere præcipuum apud posteros nominis sui propagavit famam, pecunias suppedante in primis Anglorum rege. Hoc discimus ex Willielmo Malmesburiensi, lib. II *De gestis Anglorum*, his verbis : « Rex Cnuto ad transmarinas Ecclesias pecunias mittens,

damenta jecerat, summam manum mirisico effectu A imposuit, quam etiam pro posse honorificare, studens, musicis modulationibus crebro extulit. Quanto enim amore in honorem Virginis anhelaverit, poterit conjicere qui audierit cantus coelestia vota sonantes. » Exstat inter cetera opuscula ejus epistolarum volumen, in quarum una gratias agit Cnutori magnificientissimo regi, quod largitatis suae viscera in expensas Ecclesiae Carnotensis effuderit. Sacratissimæ vero Dei genitricis Mariæ servus addictissimus fuit, cujus laudes peculiari libro edidit, a qua remuneratum tradunt. Dum enim morbo corruptus esset, eadem per visum apparet Virgo, sacra ubera ipsi sugenda aperuit, ut Albericus, longe tamen ab hoc tempore remotus, testis est in Chronico ad annum 1022 : « Florebat Fulbertus episcopus, sanctitate et philosophia nominatissimus, qui fundamenta sanctæ ecclesie Dei Genitricis jecit, et eadem perfecit miro lapideo tabulatu, qui etiam ab eadem Dei Genitrice in infirmitate sua visitatus esse dicitur et de ejus lacte sanctissimo recreatus. Hic enim multo amore et felicissimo in honorem beatæ Mariæ virginis Dei Genitricis exarsit, quod ostendunt cantus quos de ea ille edidit, coelestia vota sancientes. Inter cetera ejus opera exstat Epistolarum volumen. » Et Willelmus Malmesburiensis, lib. III De gestis Anglorum, idem testatur, locutus de Berengario Andegavensi archidiacono suo olim in schola Carnotensi discipulo : « Berengarius plane, quantumvis ipse sententiam correxerit, omnes quos extolis terris depravaverat, convertere nequivit. Quod episcopum Carnotensem Fulbertum, quem Domini Mater olim ægrotum lacte mamillarum suarum visa fuit sanare, prædictissime aiunt. Nam cum in extremis positum multi visitarent, et ædium capacitas vix confluentibus sufficeret, ille inter oppositas catervas oculo rinnatus Berengarium, nisu quo valuit expellendum censuit, protestatus immanem draconem prope eum consistere, multosque ad eum sequendum blandiente manu et illice anhelitu corrumpere. » Demum e vivis excessit anno 1029, die 10 Aprilis. In quibusdam mss. anno 1028, in æde sancti Petri in Valle, tumulatus dicitur : magna sanctitatis et doctrinæ opinione passim commendabilis, quain utique deprædicant Glaber memoratus, Chronica et auctores pluri-mi. Fulberti epitaphium tale in mss. codice reperitur :

*Anno ab incarnatione Domini 1028, iv idus Aprilis, obiit dilectus Deo et hominibus Pater noster venerandæ memoriae Fulbertus, sue tempestatis pontificum decus, lux præclara mundo a Deo data, pauperum sustentator, desolatorum consolator, prædonum et latronum refrenator, vir eloquentissimus, et sapientissimus tam in divinis numis in liberalium artium libraria. Qui ad ea-*

*Item hæc carmina de eodem leguntur.*

*Quem tibi Carnotis concessit fons bonitatis,  
Doctrinae fluvium duplicitis egregium,  
Pontificum sidus, Fulbertus fulgidus actu,  
Vestis pauperibus, virtus et assiduus;  
Inclusus jacet hic, factus de pulvere pulvis,  
Et præstolatur surgere cum reliquis.  
Virtutis cultor, vitiorum mortificator,  
Auxiliante Deo, persistit a puer.*  
*Bis denos annos, atque unum dimidiataque,  
Virgo Maria, lux præfuit ecclesie.  
Ingressurus erat Phœbus post lumina septem  
Taurum, cum moestum deseruit populum.*

Eius Opera singulatim impressa Parisiis an. 1608, tum postea immissa in tomum XI Bibliothecæ Veterum Patrum editionis Coloniensis an. 1618, ubi leguntur epistole CXXXIV, sermones quidam, canon de pœnitentia mulierum, hymni aliquot cum prosis, B tractatus adversus Judæos negantes hanc Jacob mortaliter prophetiam : Non auferetur sceptrum de Juda, etc., in Christo Domino fuisse impletam. De quibus Bellarminus et Labbeus, quorum in supplementum addimus exstare ejusdem Fulberti epistolam de rebus Ecclesiae religiose et caute distribuendis, tomo II Spicilegii Lucae Dacherii, pag. 827 editionis Parisiensis. Ejusdem quoque nomine apud Surium in probatis sanctorum Vitis ad diem 13 Decembris, p. mihi 989, Vita sancti Auberti Cameracensis episcopi, quam etsi mutilam Surius ediderit, integrum tamen habeant fratres ejus abbatiæ, quæ nomen ipsius in urbe Cameracensi præfert, ut scribunt Sammarthani fratres, tom. I Galliæ Christianæ in archiepiscopis Cameracensis, p. 233. Item ad eundem C Fulbertum Carnotensem episcopum spectat Sermo de Assumptione beatæ Mariæ Virginis, qui exstat inter Opera divo Augustino supposita, in sermonibus suppositis, sermone 208, col. 343 novissime editionis, quam procuraverunt his temporibus Patres Benedictini Galli congregationis sancti Mauri. Denique ejusdem egregium invenimus tractatum in illud Actorum XII, vers. 4 : *Misit Herodes rex manus*, etc. ms. in bibliotheca Longipontis, Cisterciensis ordinis, in episcopatu Suessionensi, quem anno 1692 Lugduni Batavorum edidimus in 8; apud Petrum Van der Meerche, sub hoc titulo, *Veterum aliquot Galliæ ac Belgii scriptorum Opuscula sacra*; idque ne lapsu temporum interiret. Agunt de sancto Fulberto, Baldericus Novionensis episcopus, in Chronico Cameracensi, lib. I, cap. 77; Henricus Gandavensis, qui ab eo auctore Catalogum suum incipit, Fulbertum liberalium artium suo tempore peritissimum, virum religiosum, et erga beatam Virginem derotissimum celebrans; Antonius Possevinus tomo I Apparatus sacri, verbo Fulbertus, etc.; Rogerius Bellarminus et Philippus Labbeus, interque in opere suo De scriptoribus ecclesiasticis; Aubertus Mihius in *Natio ad filium Mariæ* Galloponis De-

*Digitized by Google*